

Nowodhow an Seythen

28 / 01 / 09

Deg mil a dus re skrifas aga henwyn erbynn towl chanjya logo Konsel Kernow.

Yma sorr bras erbynn an desin nowyth a flamm... drefen nag eus sin vyth a'n Balores, na stenor, na pyskador.

Dhe wir.. nebes huni a venegas bos kepar ha blew Amy Winehouse.

Lemmyn... wosa lies krodhvolas... yma'n konsel ow tasweles an ervirans usya desin nowyth.

Martesen gwasketh an bobel a wra gwaynya ha selwel rann a'gan ertaj.

**

Y fydh hwithrans wosa jynn ebren dhe godha dhe'n dor orth ayrborth Penn an Wlas.

An droglam a wrug hwarvos ha'n jynn ebren ow lonchya y'n ayr... byttegyns ..gorfenna an neyjenn verr a wrug penn-a-wartha-dhe-woles.

Dew flogh a skapyas heb pystig mann... aga thas o nebes shyndyes.

**

Spyrys a Gernow re dhellos treylyans nowyth a lyver a-vri Sowsnek... Alys yn Pow an Anethow.

An hwedhlow koynt gans Lewis Carroll yw lyver flehes klassek... byttegyns treylyes dhe Gernewek yw lemmyn gans Professor Nicholas Williams.

Gwrys yn fethus yw y'n Kernewek Standard... mes dyllor Ray Chubb a lever bos fest ogas dhe'n Furv Skrifys Savonek.

Dyllys veu yn Sowsnek yn kynsa mil-eth-kans-pymp-ha-tri-ugens... ha lemmyn y'n kevir yn lies taves... y'ga mysk Gwydhalek.

Nyns yw hemma an kynsa prys may feu treylyes an lyver fantasi ma.

Yma Gwersyon dyllys a-gynsow gans Kernewek Dre Lyther der Gernewek Kemmyn.

An lyver ma veu gwrys gans Ray Edwards neb a verwis nans yw bledhen.

Mar mynnowgh prena kopi y hyllir dannvon e-bost dhe shoppa@spyrys.org... Po pellgewsir orth 01209 842394.

**

Kaskyrgh erbynn gwynsel wyls dhe'n Edenva yw sewen.

Yma pennrewloryon an projekt ow kildenna an profyans a sevel turbin.

Y fedha dewblek an hirder a Benneglos Truru.

An Edenva a vynn hwilas projektow glas erel rag an tyller lemmyn.

**

Henn yw oll an seythen ma... agas gweles nessa seythen.